

Pravci istraživanja proistekli iz zaključaka sa video konferencije „Nužnost kreiranja novog seta mjera za saniranje ekonomskih posljedica pandemije koronavirusa“ održane 03.06.2020. godine

Cilj održane konferencije „Nužnost kreiranja novog seta mjera za saniranje ekonomskih posljedica pandemije koronavirusa“ jeste da širi krug društvenih subjekata, odnosno poslodavaca, akademske zajednice, predstavnika izvršne i zakonodavne vlasti, pozicije i opozicije, bude uključen u iniciranje kreiranja mjera za saniranje ekonomskih posljedica pandemije koronavirusa, te zagovaranja da one budu usvojene i implementirane. Konferencija je prvi korak u nizu planiranih aktivnosti Udruženja poslodavaca FBiH usmjerenih ka realizaciji tog cilja.

Na konferenciji su identifikovana tri pravca istraživanja koja je potrebno poduzeti kako bi se kreirao kvalitetan set mjera za saniranje ekonomskih posljedica koronavirusa i to:

1. Analiza mjera fiskalne i finansijske politike koje je neophodno kreirati i usvojiti:

- Mjere za olakšavanje posljedica nesreće: osiguravanje dodatne likvidnosti domaćinstvima, a samim time i biznisima
- Mjere koje će podići agregatnu ponudu i potražnju na potencijalnu razinu
- Mjere za povećanje investicija, smanjenje poreza i ubrizgavanje likvidnosti
- Mjere podrške izvozu.

2. Analiza mjera socijalne politike koje će doprinijeti rastu privrede i zaposlenosti:

- Mjere za osiguravanje dugoročne njege starih
- Mjere za osiguravanje dovoljnog broja mjesta za djecu u predškolskom obrazovanju.

Mjerama socijalne politike treba se osigurati poboljšanje kvantiteta i kvaliteta navedenih socijalnih usluga, a što će rezultirati povećanjem broja zaposlenih – mahom žena.

3. Analiza mjera politike subvencioniranja privrede:

- Segmentacija korisnika subvencija prema kvalitativnim kriterijima i performansama
- Targetiranje korisnika subvencija prema djelatnosti, uslovima na tržišti itd.

Navedene analize potrebno je sprovesti kako bi se, poučeni iskustvima prilikom donošenja prethodnih mjera, izbjegle greške i maksimizirali pozitivni efekti mjera za saniranje ekonomskih posljedica pandemije COVID-19. Kriza izazvana pandemijom je imala izrazito negativan uticaj na poslovanje bh. kompanija i njihove prihode, te je sprovođenje analiza dio nastojanja da se bh. privredi pomogne u prevazilaženju krize i očuvanju radnih mjesta.